

**Bosna i Hercegovina  
FEDERACIJA BOSNE I HERCEGOVINE  
FEDERALNO PRAVOBRANILAŠTVO-  
FEDERALNO PRAVOBRANITELJSTVO  
SARAJEVO**

Broj: Fp-470/14  
Sarajevo, 11.08.2014..godine

**Bosna i Hercegovina  
FEDERACIJA BOSNE I HERCEGOVINE  
- V L A D A -**

**Bosna i Hercegovina  
FEDERACIJA BOSNE I HERCEGOVINE  
PARLAMENT FEDERACIJE BOSNE I HERCEGOVINE  
DOM NARODA  
SARAJEVO**

Primljeno: 11-08-2014			
Org. jed.	Broj	Priloga	Vrijednost
02-04-010	04-04-010	1026/14	2x

**Bosna i Hercegovina  
FEDERACIJA BOSNE I HERCEGOVINE  
PARLAMENT FEDERACIJE BIH  
-DOM NARODA PFBIIH -**

**Bosna i Hercegovina  
FEDERACIJA BOSNE I HERCEGOVINE  
PARLAMENT FEDERACIJE BIH  
-PREDSTAVNIČKI / ZASTUPNIČKI DOM PFBIIH -**

**PREDMET: Dostava izvještaja / Izvješća o radu Federalnog pravobranilaštva / pravobraniteljstva za 2013. godinu**

Poštovani.

U skladu sa čl. 38 Zakona o Federalnom pravobranilaštvu - Federalnom pravobraniteljstvu, u prilogu vam dostavljamo Izvještaj / Izvješće o radu Federalnog pravobranilaštva/pravobraniteljstva za 2013. godinu.

S poštovanjem.

**FEDERALNI PRAVOBRANITELJ**

**Inda Ažman**

Prilog: navedeno



BOSNA I HERCEGOVINA  
FEDERACIJA BOSNE I HERCEGOVINE  
FEDERALNO PRAVOBRANILAŠTVO -  
FEDERALNO PRAVOBRANITELJSTVO  
SARAJEVO

BOSNIA AND HERZEGOVINA  
FEDERATION OF BOSNIA AND HERZEGOVINA  
FEDERAL ATTORNEY 'S OFFICE  
SARAJEVO

Broj: Fp-470/14  
Sarajevo,.11.8.2014. godine

**IZVJEŠTAJ O RADU  
FEDERALNOG PRAVOBRANILAŠTVA/PRAVOBRANITELJSTVA  
ZA 2013.GODINU**

**Sarajevo, August 2014. godine**  
**/ Bosanski jezik /**

## **I. PRAVNI OSNOV DJELOVANJA**

U skladu sa članom 38. Zakona o Federalnom pravobranilaštvu/pravobraniteljstvu ( "Sl. novine Federacije BiH" , br. 2/95,12/98,18/00,61/06 ) Federalno pravobranilaštvo/pravobraniteljstvo podnosi Izvještaj o radu za period 01.01.2013. do 31.12.2013. godine: 1. Vladi Federacije Bosne i Hercegovine i 2. Parlamentu Federacije Bosne i Hercegovine.

## **II. DJELOKRUG RADA FEDERALNOG PRAVOBRANILAŠTVA/PRAVOBRANITELJSTVA**

Federalno pravobranilaštvo/pravobraniteljstvo je poseban samostalni organ koji preduzima mjere i pravna sredstva u pogledu pravne zaštite imovine i imovinskih interesa Federacije BiH.

Federalno pravobranilaštvo/pravobraniteljstvo u pogledu zaštite imovine i imovinskih interesa Federacije BiH i njenih organa i tijela, u cilju obavljanja pravobranilačkih poslova prvenstveno djeluje pred nadležnim sudovima i drugim nadležnim organima u funkciji zakonskog zastupnika stranaka u parničnim, izvršnim i krivičnim postupcima a saglasno odredbama Zakona o Federalnom pravobranilaštvu/ pravobraniteljstvu. Najvažniji segment pravobranilačke funkcije se izražava kroz gore navedene sudske sporove, a s tim u vezi Federalno pravobranilaštvo/pravobraniteljstvo u okviru poslova i zadataka koji su mu povjereni zakonom, nastoji kroz saradnju sa ministarstvima, organima i organizacijama na nivou FBiH te organima pravosuđa na svim nivoima u FBiH obezbjediti izjednačavanje prakse po istim i sličnim pravnim pitanjima. Poseban angažman Federalnog pravobranilaštva/pravobraniteljstva je izražen kroz sporove gdje su masovne tužbe a odnose se na žrtve torture za vrijeme rata ( logoraši ), naknade materijalne i nematerijalne štete kod neosnovanog pritvora, pitanje naknada kod socijalnih davanja, doprinosa PIO/MIO pripadnicima Armije BiH, veliki broj izvršnih predmeta vezanih za tužbe uposlenika namjenske proizvodnje (Vitezit, Binas ) i dr.

Federalno pravobranilaštvo/pravobraniteljstvo u pogledu velikog broja zaprimljenih predmeta tzv. masovne tužbe je zauzimalo stavove na Stručnom kolegiju Federalnog pravobranilaštva/pravobraniteljstva kao i u odnosu na druga sporna pitanja iz djelokruga rada ovog pravobranilaštva.

Stavovi Stručnog kolegija Federalnog pravobranilaštva/pravobraniteljstva su obavezujući za sve predmete istog ili sličnog sadržaja i svi zamjenici i pomoćnici su dužni da postupaju u skladu sa stavovima zauzetim na Stručnom kolegiju Federalnog pravobranilaštva/pravobraniteljstva.



### III. AKTIVNOSTI FEDERALNOG PRAVOBRANILAŠTVA/PRAVOBRANITELJSTVA

Rad Federalnog pravobranilaštva/pravobraniteljstva se odvija kroz dva odjela: vojni odjel ( za predmete bivšeg FMO-a ) i civilni odjel.

Posebno se naglašava da u 2013. godini statistički posmatrano Federalno pravobranilaštvo/pravobraniteljstvo je zaprimilo veliki broj predmeta u oba odjela i to :

-Vezano za odjel u kojem se vode predmeti bivšeg FMO-a u 2013. je bilo u radu 13.600 predmeta

-Civilni odjel ukupno 9273 predmeta, iz čega proizilazi da je u Federalnom pravobranilaštvu/pravobraniteljstvu bilo ukupno u radu 23973 predmeta..

Predmeti koji nisu završeni u 2013. godini a odnose se na parnične i izvršne predmete zavise isključivo od stavova i ažurnosti sudova. Federalno pravobranilaštvo/pravobraniteljstvo ne može uticati na dužinu i trajanje parničnog i izvršnog postupka te je do okončanja istih potreban duži vremenski period.

Svi ostali poslovi iz nadležnosti djelokruga Federalnog pravobranilaštva/pravobraniteljstva čije izvršenje ne ovisi o radu sudova i organa uprave već isključivo od rada Federalnog pravobranilaštva/pravobraniteljstva završeni su u planiranim i zakonskim rokovim.

### IV. PREGLED PREDMETA I RADA PO UPISNICIMA KAKO SE VODE U FEDERALNOM PRAVOBRANILAŠTVU /PRAVOBRANITELJSTVU

U Federalnom pravobranilaštvu/pravobraniteljstvu vode se upisnici u civilnoj pisarni i pisarni za predmete bivšeg FMO-a i to: **u civilnoj pisarni upisnici su P,U,I,M,R,PNS,,KFP,FP, i K a u vojnom odjelu isti P,U,I,M,R,PNS,,KFP,FP, i K sa dodatnom oznakom -I.**

UPISNIK P- U upisniku P vode se parnični predmeti o kojima odlučuje sud.

U 2013-u godinu iz predhodnih godina je preneseno 1572 predmeta a zaprimljeno novih 303 predmeta što ukupno daje broj od 1875 predmeta.

Od ukupnog broja predmeta 1875 arhivirano je 263 predmeta a ostalo u radu 1612 predmeta.

UPISNIK I- U upisniku I vode se predmeti izvršenja

U 2013-u preneseno je iz predhodnih godina 5758 predmeta, primljeno novih 1072, od čega 875 se odnosi na naknade po osnovu socijalnih davanja što ukupno iznosi 6830, od kojih je 538 završeno, ostalo u radu 6292 predmeta .

UPISNIK U- U upisniku u vode se predmeti upravnog postupka i upravnog spora

U 2013. godini preneseno je 41 predmet, zaprimljeno je 58 novih predmeta, što ukupno iznosi 59 predmeta od čega ih je 16 završeno, ostalo u radu 83 predmeta.

UPISNIK M- U upisniku M vode se predmeti davanja mišljenja na dostavljene ugovore U 2013. godni preneseno je 14 predmeta, zaprimljeno novih 72 predmeta, što ukupno iznosi 86 predmeta od čega je 61 završeno, ostalo u radu 25 predmeta.

UPISNIK R- u upisniku R vode se predmeti u kojima pravno zastupanje ne obavlja FP U 2013. godni je preneseno 14 predmeta, zaprimljeno novih 293 predmeta, što ukupno iznosi 307 predmeta, od čega je 274 riješeno, ostalo u radu 33 predmeta.

UPISNIK PNS- U upisniku PNS vode se predmeti ovjere kupoporodajnih ugovora za stanove na kojima postoji stanarasko pravo U 2013. je preneseno 14 predmeta, zaprimljeno 13 novih ugovora, što ukupno iznosi 27 predmeta, od čega su 21 riješena, ostalo 6 u radu.

UPISNIK Fp- u upisniku Fp vode se predmeti koji se odnose na informacije Vladi FBiH i organima i tijelima FBiH i predmeti uprave FP. U 2013. godini prenesen 41 predmet, zaprimljeno 790 novih predmeta, što ukupno iznosi 831 predmet od čega je 769 završeno, ostalo nezavršenih 62 predmeta.

UPISNIK K- u upisniku K vode se predmeti gdje nakon okončanog krivičnog postupka Federalno pravobranilaštvo/pravobraniteljstvo podnosi imovinsko-pravni zahtjev vezano za učinjeno krivično djelo. U 2013. godini preneseno 27 predmeta, zaprimljeno novih 22, što ukupno iznosi 49 predmeta, od toga završeno 24, ostalo u radu 25 predmeta.

#### **Predmeti iz pisarne za predmete bivšeg FMO-a**

##### **UPISNIK P-I**

Iz ranijih godina preneseno 12589 predmeta.

U 2013. godini zaprimljeno novih predmeta 1011 tako da je ukupno u radu zaključno sa 31.12.2012. god. 13600 predmeta. U izvještajnom period iz ove oblasti je arhivirano 290 predmeta a ostalo je u radu 13310 predmeta.

##### **UPISNIK I-I**

Iz ranijih godina je preneseno 7632 predmeta, zaprimljeno i aktivirano u toku 2013. godine novih 1674 predmeta. Ukupno predmeta u radu u 2013, 9306 predmeta od čega je 1917 predmeta riješeno, a u radu je ostalo 7389 predmeta.

##### **UPISNIK U-I**

Iz ranijih godina preneseno 411 predmeta a u izvještajnom periodu zaprimljeno je 35 predmeta tako da je ukupno u radu u izvještajnom period bilo 446 predmeta U izvještajnom period je završeno 17 predmeta a u radu je ostalo 429 predmeta.

##### **UPISNIK M-I**



Iz ranijih godina preneseno 23 predmeta zaprimljen 31 predmet što u izvještajnom period iznosi ukupno 54 predmeta.

Završeno 17 predmeta, ostalo u radu 37 predmeta

#### UPISNIK R-I

Iz ranijih godina preneseno 429 predmeta a u izvještajnom period zaprimljen 61 predmet, tako da je u izvještajnom period ukupno u radu 490.

19 predmeta je završeno, a ostalo je u radu 471 predmeta.

#### UPISNIK PNS-I

Iz ranijih godina preneseno je 440 predmet, zaprimljeno novih 161 predmeta , tako da je u izvještajnom period ukupno u radu 601 predmeta, završeno 300 predmeta, ostalo u radu 301 predmeta.

UPISNIK KFP- I odnosi se na kontrolu zakonitosti ugovora o kupoprodaji stanova npsp ( vojni stanovi)

Iz ranijih godina preneseno je 578 predmet, zaprimljeno novih 16 predmeta , tako da je u izvještajnom period ukupno u radu 594 predmeta, završeno 222 predmeta, ostalo u radu 372 predmeta.

### **SPOROVI VELIKE VRIJEDNOSTI ZAPRIMLJENI U 2013. GODINI:**

#### P- 38/13

TUŽILAC: Aluminijski zavod

TUŽENI: Deloitte Advosora services

RADI: v.sp. 1.384,434,26 KM

Odražana glavna rasprava- čeka se presuda

#### P-75/13

TUŽILAC: Hadžić Sulejman

TUŽENJA : JP Željeznice FBiH

Radi: Vsp. 6.889,082,25 KM

Zakazano ročište za 04.09.2014.

#### P- 76/13

TUŽILAC: Federalno ministarstvo financija

TUŽENI: Granit ddJablanica

Radi: v.sp. 6.112,010,00 KM

Kantonalni porezni ured izvršio prijavu potraživanja

#### P-88/13

TUŽILAC: Omerović Salko i dr.

TUŽENI: Federalno ministarstvo financija

Radi: vsp. 920.000,00 KM

Zakazano pripremno ročište za 22.10.2014.

P-156/13

TUŽILAC: Općina Olovo

TUŽENI: FBiH, ZE-DO Kanton JP ŠRDZBK Zavidovići

Radi: vsp. 2.229,167,71KM

Glavna rasprava zakazana za 29.10.2014P-197/13

TUŽILAC: JP Željeznice FBiH

TUŽENI: Vlada FBiH

Radi: vsp. 179.896,802,00KM

Pripremno ročište zakazano za 30.10.2014.

P-223/13

TUŽILAC: Općina Kakanj

TUŽENI: JP Elektroprivreda

Radi: v.sp. 54.144,000,00KM00KM

Glavna rasprava zakazana za 17.11.2014.

P- 305/13

TUŽILAC: Cios doo Zagreb

TUŽENI: JP Željeznice FBiH

Radi: Vsp. 15.480,128,00KM

Odgovoreno na tužbu čeka se poziv za pripremno ročište

**SPOROVI VELIKIH VRIJEDNOSTI IZ PISARNE BIVŠEG FMO-a**P-I-20/13

TUŽILAC: Bećirović Ismet i dr. ( 31 tužila)

TUŽENI : FBIH

RADI: NAKNADE ŠTETE (zarobljavanje)

VSP: 2.993,200,00 KM

Uložena žalba

P-I-181/13

TUŽILAC: Arandelović Spasenija

TUŽENI: BIH

RADI: ISPLATA

VSP: 5.000,000 (PRIPREMNO ROČIŠTE)

Glavna rasprava zakazana za 23.10.2014

P-I-265/13

TUŽILAC: Jašić Vezir i dr. (19 tužitelja)

TUŽENI: FBIH I VIJEĆE MINISTARA

RADI : NAKNADA NEMATERIJALNE ŠTETE (ZAROBLJAVANJE)



VSP: 1.235,000 KM

Odgovoreno na tužbu čeka se poziv za pripremno ročište

## V. PODRUČJE RADA FEDERALNOG PRAVOBRANILAŠTVA/PRAVOBRANITELJSTVA I PROBLEMI SA KOJIMA SE SUOČAVA U RADU

Polazeći od zakonskih ovlasti Federalnog pravobranilaštva/pravobraniteljstva a vezano za preduzimanje mjera i pravnih sredstava u zaštiti imovine i imovinsko pravnih interesa Federacije BiH, Federalno pravobranilaštvo / pravobraniteljstvo se posebno angažovalo da se u praksi afirmišu svi vidovi preventivnog djelovanja kroz sporazumno rješavanje spornih odnosa, davanje pravnih mišljenja na ugovore i druga pravna pitanja imovinsko pravne prirode, te ukazuje da je potrebno posebno angažovanje na iznošenju svojih zapažanja u postupku pripreme propisa koji se odnose na imovinu i imovinska prava a vezano za prava i obaveze Federacije BiH i njenih organa i tijela.

I u 2013. godini pojavljuju se masovne tužbe koje se odnose na: lica žrtava torture (zarobljavanje), tužbe primaoca naknade na osnovu invalidnosti (civilni i vojni), radni sporovi ranijeg FMO, a posebno velikih broj sporova za naknadu štete sa enormno visokim tužbenim zahtjevima.

U protekloj godini u porastu je broj predmeta u kojima pojedinci i pravne osobe tuže Federaciju BiH za neizmirene obaveze preduzeća iz namjenske industrije za koje Federacija BiH nije dala saglasnost za otvaranje postupka stečaja prema Zakonu o stečajnom postupku, pa je Federacija BiH postala solidarni dužnik za plaćanje tih sredstava. Vezano za navedeni problem Federalno pravobranilaštvo /pravobraniteljstvo je u potpunosti zaustavilo postupak izvršenja koji prijedlozi su došli u velikom broju po prijedlozima radnika iz preduzeća namjenske proizvodnje PS "Vitezit" d.o.o. Vitez, BNT Tvornica mašina i hidraulike d.d. Novi Travnik i "Binas" d.d. Bugojno), a na osnovu činjenice da je saglasno odredbama Zakona o stečajnom postupku uskraćivana saglasnot za otvaranje stečajnog postupka.

Nakon zaustavljanja izvršnih postupaka radnici pomenutih preduzeća podnijeli su u prethodnoj godini 135 tužbi sa ukupnom vrijednosti spora od 2.817.079,12 KM sa zahtjevom da sud u parnici utvrdi da je Federacija BiH preuzela dug koji pomenuta preduzeća imaju prema njima.

U vezi sa predmetima koji se odnose na naknadu štete po osnovu zarobljavanja, kojih je u 2013. godini bilo ukupno 3161 tužba sa ukupnom vrijednošću sporova od 390.708.338,00 KM. Federalno pravobranilaštvo/ pravobraniteljstvo je u cilju zaštite imovine i imovinskih interesa Federacije iniciralo pokretanje postupka za donošenje autentičnog tumačenja člana 377. st.1. ZOO-a koje je podržala Vlada FBiH i kao prijedlog Vlade je dostavljen u parlamentarnu proceduru. Cilj je bio da se zbog različitog postupanja u sudskoj praksi prema kojoj za isti štetni događaj, odnosno za štetu nastalu iz istog činjeničnog osnova primjenjuju različita pravila o zastarjevanju, autentičnim tumačenjem čl. 377. st.1. ZOO-a dođe do



jedinstvenog stava. Do izrade ovog Izvještaja Parlament FBIH nije zauzeo stav po prijedlogu autentičnog tumačenja člana 377. st.1. ZOO-a. Napominje se da je Ustavni sud BiH donio Odluku AP-311/ 09 od 23.12.2013.godine u kojoj je zauzeo stav da se za navedenu problematiku primjenjuje opšti zastarni rok iz člana 376.. ZOO-a a ne privilegovani rok zastare iz člana 377. st.1. ZOO-a Federalno pravobranilaštvo/pravobranilaštvo smatra da nakon stava Ustavnog suda BiH ova problematika će se riješiti na drugačiji način, s tim da bi najbolji način rješenja ovog problema bio putem donošenja odgovarajućeg propisa.

Vežano za vojne stanove u izvještajnom periodu je urađen veliki broj predmeta a naročito nakon donošenja Uredbe o dojeli zamjenskih stanova, obnovi ranije zaključenih ugovora o korištenju stanova i dodjeli stanova na korištenje iz stambenog fonda FMO i Vojske FBIH.

Također, u izvještajnom periodu je zaprimljeno 326 predmeta koji se odnose na uplatu doprinosa za PIO pripadnicima Vojske Federacije sa ukupnom vrijednošću spora u iznosu od 3.540.877,00KM KM. Pored predmeta koji se odnose na tužbene zahtjeve za uplatu doprinosa za PIO pripadnicima Vojske Federacije BiH podneseni su i zahtjevi za isplatu naknada za preiod od 01.01.1996. do 31.03.1996. koji period se odnosi na isplaćene plaće u certifikatima, a za koje plaće doprinosi nisu uplaćeni.

Do ovog izvještajnog perioda federalni budžet je bio opterećen nepotrebnim troškovima naknade štete zbog neosnovanog pritvora.

Nakon donošenja Uredbe o utvrđivanju i primjeni jedinstvenih kriterija za zaključivanje sporazuma odnosno sudske nagodbe o postojanju štete, vrste i visine naknade zbog neosnovanog pritvora („Službene novine FBIH“, broj 6/13, ) znatno su smanjena opterećenja budžeta vezano za nepotrebne troškove međutim, nastao je problem u načinu rada Komisije koja po navedenoj Uredbi riješava zahtjeve za naknadu štete po osnovu neosnovanog pritvora. Naime, potrebno je iznaći način za efikasnijim radom ove Komisije jer ista u postupku potražuje u originalu odgovarajuće dokumente koji stvaraju troškove kod podnosioca zahtjeva te isti ponovo pokreću parnični postupak u kojem se ne traži ovjerena fotokopija dokumenata.

Federalno pravobranilaštvo/pravobraniteljstvo ukazuje na potrebu izmjene člana 203. Zakona o krivičnom postupku prema kojem advokati potražuju troškove iz krivičnog postupka od Federacije BiH u parničnom postupku ( kod oslobađajućih presuda) iako pravosudni organi Federacije nisu vodili krivični postupak, a istim članom nije regulisano da Federacija BiH ima mogućnost regresiranja u situaciji kada se donese presuda gdje su troškovi dosuđeni na teret suda koji vodi postupak.

U izvještajnom periodu Federalno ministarstvo rada i socijalne politike je dostavilo veliki broj zahtjeva za podnošenje tužbi radi sticanje bez osnova zbog dvostruke isplate naknade nosiocima ovih prava. S obzirom da je veliki priliv ovih predmeta, Federalno pravobranilaštvo/pravobraniteljstvo u cilju ekonomičnosti, a radi smanjenja parničnih troškova, obavjestilo je navedeno ministarstvo da je potrebno u ovakvim predmetima donositi rješenja u upravnom postupku koje bi predstavljalo izvršnu ispravu i po kojoj bi se više isplaćena sredstva naplatila putem izvršnog postupka saglasno odredbama člana 280. ZUP- a



u vezi sa Odredbama člana 275. stav 3. ZUP-a i člana 23. stav 1. tačka 2 Zakona o izvršnom postupku.

Vezano za parnične postupke koji se vode pred Općinskim sudom u Livnu za naknadu štete iz osnova pričinjene štete na nekretninama – izgradnja vojnog poligona u Glamoču (objektima i zemljištu), te izgublenu dobit sa velikim iznosima Federalno pravobranilaštvo / pravobraniteljstvo je zaprimilo do sada 317 predmeta sa ukupnim tužbenim zahtjevom od 36.668.918,00 KM. Federalno pravobranilaštvo/pravobraniteljstvo je uspjelo da u svim ovim sporovima dođe do pozitivne odluke, odnosno, odluke u korist Federacije BiH na način da se svi tužbeni zahtjevi odbiju zbog neosnovanosti.

## **VI. ORGANIZACIJA I KADROVI**

Članom 19. Zakona o Federalnom pravobranilaštvu/pravobraniteljstvu utvrđeno je da federalni pravobranilac rukovodi radom pravobranilaštva, predstavlja Federalno pravobranilaštvo/pravobraniteljstvo i vrši druga prava i dužnosti utvrđena federalnim zakonom i drugim federalnim propisima. Zamjenici federalnog pravobranioca vrše poslove iz djelokruga Federalnog pravobranilaštva/pravobraniteljstva koje odredi federalni pravobranilac a njihov broj utvrđuje Vlada FBiH.

Odlukom Vlade FBiH je utvrđeno da ove poslove obavljaju najmanje po dva zamjenika iz reda konstitutivnih naroda i jedan iz reda ostalih. Zbog povećanog priliva predmeta u izvještajnom periodu te potrebe kvalitetnog izvršenja poslova u situaciji odlijevanja kadrova (trenutno tri zamjenika federalnog pravobranitelja nedostaju ), uz saglasnost Vlade BiH, izvršen je izbor dva pomoćnika federalnog pravobranioca na koji način se donekle prevazišao postojeći problem. Ponovo se naglašava da bez odgovarajuće kadrovske popunjenosti nemoguće je obavljati ovako složen i obiman posao posebno iz razloga jer je u Federalnom pravobranilaštvu /pravobraniteljstvu trenutno u radu 30.488 predmeta i svi su vezani rokovima i ne trpe odgodu, a federalni pravobranilac i zamjenici federalnog pravobranioca koji rade na tim poslovima su veoma opterećeni i teško podnose teret potreban za kvalitetno izvršavanje svih ovih poslova.

## **VII. STATUSNI I MATERIJALNI POLOŽAJ FEDERALNOG PRAVOBRANIOCA I ZAMJENIKA FEDERALNOG PRAVOBRANIOCA**

Zakonom o Federalnom pravobranilaštvu/pravobraniteljstvu ( "Sl. novine FBiH" , br. 2/95, 12/98, 18/00,61/06 ) Federalno pravobranilaštvo/pravobraniteljstvo je poseban samostalni organ koji preduzima mjere i pravna sredstva radi zaštite imovine i imovinskih interesa FBiH u skladu sa ovim zakonu.

Vlada FBiH je na 178-oj sjednici od 14.11.2006. godine donijela Odluku da se plata federalnog pravobranioca određuje na isti način kao za glavnog federalnog tužioca, a plata zamjenika federalnog pravobranioca kao plata zamjenika glavnog federalnog tužioca. Ovakav status je izmijenjen odredbama Zakona o platama iz 2010. godine u okviru kojeg su federalni



pravobranioac i njegovi zamjenici svrstani u kategoriju izabranih dužnosnika i utvrđen im je koeficijent platnih razreda IX i X.

Posebno ističemo da su uslovi za izbor odnosno imenovanje federalnog pravobranioaca i njegovih zamjenika identični kao za izbor i imenovanje glavnog federalnog tužioca i zamjenika glavnog federalnog tužioca, što je i bilo opredjeljenje, a posebno polazeći od značaja i složenosti poslova koje Federalno pravobranilaštvo/pravobraniteljstvo obavlja. Navedenom odlukom izjednačen je status i materijalni položaja federalnog pravobranioaca i njegovih zamjenika sa statusom i materijalnim položajem glavnog federalnog tužioca i njegovih zamjenika. Način kojim je izmijenjen status federalnog pravobranioaca i njegovih zamjenika koji je u biti nedefinisan mogao bi da utiče na samostalnost, odnosno nemogućnost adekvatnog obavljanja zakonom utvrđenih poslova.

Federalno pravobranilaštvo/pravobraniteljstvo je u izvještajnom periodu dostavilo dopis Vladi FBiH radi utvrđivanja statusa i materijalnog položaja federalnog pravobranioaca i njegovih zamjenika iz razloga što je Parlament FBiH kod usvajanja Izvještaja o radu za 2012. godinu u potpunosti podržao prijedlog za izmjenu materijalnog i statusnog položaja federalnog pravobranioaca i njegovih zamjenika na način kako je predloženo u Izvještaju, a kroz izjednačavanje sa statusom i materijalnim položajem glavnog federalnog tužioca i njegovih zamjenika. Bez obzira na zahtjev koji je upućen Vladi FBiH status federalnog pravobranioaca i njegovih zamjenika do danas je ostao isti.

Federalno pravobranilaštvo/pravobraniteljstvo je mišljenja da polazeći od značaja poslova koje obavlja kroz zaštitu imovine kao jednog od temelja državnosti, te od aspekta da pravobranilac ima položaj stranke u postupku kao i tužilac, potrebno je zakonom riješiti status federalnog pravobranioaca i njegovih zamjenika na identičan način kako je to propisano za glavnog federalnog tužioca i njegove zamjenike.

Ovakav status je regulisan propisima u državama regiona.

## VIII. SARADNJA SA ORGANIMA I TIJELIMA FBiH

Odredbama člana 15. Zakona o Federalnom pravobranilaštvu/pravobraniteljstvu regulisano je da su federalni organi i tijela obavezni da ugovore imovinske prirode dostavljaju na mišljenje ovom pravobranilaštvu, a odredbama čl. 10. istog zakona je regulisano da su federalni organi i tijela dužni da ovom pravobranilaštvu dostavljaju sve podatke i dokumentaciju potrebne za obavljanje poslova iz naležnosti Federalnog pravobranilaštva/ pravobraniteljstva. Kod zastupanja FBiH i njenih organa i tijela pred sudovima saradnja sa federalnim organima i tijelima nije u potpunosti zadovoljavajuća. Ovo iz razloga jer se često ne dostavljaju potrebna izjašnjenja na činjenične navode iz tužbe, kao ni potrebni podaci i dokumentacija, što znatno otežava rad ovog pravobranilaštva i neminovno se odražava na kvalitet poslova koje obavlja. Desi se da zbog nezainteresovanosti i neažurnosti pojedinih federalnih organa i tijela ovo pravobranilaštvo učestvuje u raspravljanju o predmetu spora samo na osnovu dokumentacije koju dobije od protivne stranke jer i pored brojnih urgencija ne dobija podatke i dokumentaciju potrebnu za određen spor. U 2013.-oj godini ostvarena je dobra saradnja sa Federalnim ministarstvom finansija kao i sa Poreznom upravom FBiH, Federalnim

ministarstvom energije, rudarstva i industrije kao i Federalnim ministarstvom rada i socijalne politike. Sa Federalnim ministarstvom pravde u pojedinim oblastima saradnja je bila veoma dobra.

Smatramo da bi pitanje saradnje sa Federalnim pravobranilaštvom/ pravobraniteljstvom trebalo posebno razmotriti i upozoriti ovlaštene osobe, ministre i druge rukovodioce federalnih organa i tijela da je neophodno i da je njihova zakonska dužnost da Federalnom pravobranilaštvu/pravobraniteljstvu blagovremeno dostavljaju sve potrebne podatke i dokumentaciju i pruže svu neophodnu pomoć, jer samo na taj način ovo pravobranilaštvo može uspješno obavljati svoj posao i smanjiti, spriječiti i otkloniti negativne posljedice po budžet FBiH i drugu imovinu i imovinske interese FBiH.

**FEDERALNI PRAVOBRANILAC**

**Inda Azman**

